



Broj: 09-04-5-8963/25
Sarajevo, 30.07.2025.godine

Na osnovu člana 69. stav 1. tačka b) i člana 70. st. 1, 4. i 6. Zakona o javnim nabavkama ("Sl. glasnik BiH", br. 39/14, 59/22 i 50/24), a u skladu sa Rješenjem Ureda za razmatranje žalbi broj: JN2-03-07-1-1045-6/25 od 17.07.2025. godine, na preporuku Komisije za javne nabavke imenovane Odlukom broj: broj: 01-04-5-5321/25 od 28.04.2025. godine, u postupku javne nabavke Otvoreni postupak nabavke usluga revizije finansijskih izvještaja za 2025. i 2026. godinu, Upravni odbor Fonda za profesionalnu rehabilitaciju i zapošljavanje osoba s invaliditetom na 72. sjednici održanoj dana 30.07.2025. godine *d o n o s i*

ODLUKU

o poništenju postupka javne nabavke

I

Poništava se postupak javne nabavke Otvoreni postupak nabavke usluga revizije finansijskih izvještaja za 2025. i 2026. godinu - Obavještenje o nabavci broj: 175-1-2-56-3-36/25, koje je objavljeno na Portalu javnih nabavki dana 20.05.2025. godine.

II

Ova odluka stupa na snagu danom donošenja i objavit će se na internet stranici Fonda u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak javne nabavke Otvoreni postupak nabavke usluga revizije finansijskih izvještaja za 2025. i 2026. godinu, pokrenut je Odlukom o pokretanju postupka javne nabavke broj: 01-04-5-5320/25 od 28.04.2025. godine. Javna nabavka je provedena putem otvorenog postupka. Procijenjena vrijednost javne nabavke iznosi 20.000,00 KM bez PDV-a. U ostavljenom roku za dostavu ponuda zaprimljeno je 7 (sedam) ponuda i to:

Redni broj	Naziv i sjedište ponuđača
1.	ORECONS & AUDIT d.o.o. Zenica, ul. Muftije Šemsekadića 14, Zenica
2.	ALFA REVIZIJA d.o.o. Banovići, ul. Patriotske lige br. 7, Banovići
3.	Address d.o.o. Sarajevo, ul. Marka Marulića 2c, Sarajevo
4.	REVIK d.o.o. Sarajevo, ul. Branilaca Sarajeva 20, Sarajevo
5.	BILANS d.o.o. Sarajevo, ul. Ljubljanska 16A, Sarajevo
6.	ETIC d.o.o. Zenica, ul. Londža bb, PC ROMA II/2, Zenica
7.	ZUKO d.o.o. Sarajevo, ul. Džemala Bijedića 185, Sarajevo – Ilidža

Komisija za javne nabavke je dana 10.06.2025. godine u 11:00 sati izvršila javno otvaranje ponuda o čemu je sačinila Zapisnik sa otvaranja ponuda i isti dostavila ponuđačima. Nakon izvršenog pregleda i ocjene ponuda, o čemu je sačinjen Zapisnik o pregledu i ocjeni ponuda, Komisija je dala preporuku Upravnom odboru za izbor najpovoljnijeg ponuđača.

Dana 16.06.2025. godine donesena je Odluka o izboru ponuđača za javnu nabavku usluga finansijske revizije, broj: 01-04-5-7036/25, kojom je ponuđač „Alfa Revizija“ d.o.o., Banovići izabran kao najpovoljniji. Ponuđač Address d.o.o. Sarajevo je na navedenu Odluku o izboru najpovoljnijeg ponuđača u zakonskom roku izjavio žalbu.

Ured za razmatranje žalbi, Filijala/ Podružnica Mostar je, cijeneći žalbene navode žalitelja Address d.o.o. Sarajevo, dana 17.07.2025. godine, donio Rješenje broj: JN2-03-07-1-1045-6/25 od 17.07.2025. godine, kojim je usvojena žalba žalitelja i poništena Odluka o izboru najpovoljnijeg ponuđača, broj: 01-04-5-7036/25 od 16.06.2025. godine te je predmet vraćen ugovornom organu na ponovno odlučivanje.

U skladu sa naprijed navedenim Rješenjem, Komisija je pristupila ponovnom pregledu i ocjeni ponuda. Nakon ponovnog uvida u dostavljene ponude svih ponuđača, pristupljeno je analizi dokumentacije priložene uz ponude u smislu provjere njihove validnosti obzirom na iskazane zahtjeve ugovornog organa u tenderskoj dokumentaciji i tehničkoj specifikaciji, odnosno vrednovanju ponuda, a u skladu sa procedurama i pravilima utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti dokumentacije, a u skladu sa stavom Rješenja Ureda za razmatranje žalbi BiH, Komisija je utvrdila da svi ponuđači ispunjavaju zahtjeve ugovornog organa.

S obzirom na to da je Ugovorni organ kao kriterij za dodjelu ugovora odredio ekonomski najpovoljniju ponudu, a da su ponuđači ORECONS & AUDIT d.o.o. Zenica i ALFA REVIZIJA d.o.o. Banovići ostvarili jednak broj bodova, u predmetnom postupku nije bilo moguće odrediti prvorangiranog ponuđača.

Shodno navedenom, Komisija je Zapisnikom o ponovnom pregledu i ocjeni ponuda broj: 08-11-15-8879/25 od 28.07.2025. godine Ugovornom organu dala preporuku da predmetni postupak poništi, te je u skladu sa članom 69. stav 1. tačka b) Zakona o javnim nabavkama ("Sl. glasnik BiH", br. 39/14, 59/22 i 50/24), odlučeno kao u dispozitivu ove Odluke.

Pouka o pravnom lijeku: Protiv ove Odluke ponuđač može izjaviti žalbu ugovornom organu u pisanoj formi u roku od 10 (deset) dana od dana prijema ove Odluke.

 PREDSEDNIK UPRAVNOG ODBORA

Dostaviti:

- Upravnom odboru
- Ponuđačima
- Službi za javne nabavke i informacione tehnologije
- Sektoru finansijskih i računovodstvenih poslova
- a/a

 Dr. Senad Pešto

Strana 2 od 2